

晉高祖

201719

全唐文
卷一百十四之一百十七



竹居攷廬



欽定全唐文卷一百十四目錄

晉高祖

赦事潞王從珂諸臣罪制

授趙瑩門下侍郎平章事桑維翰集賢殿大學士


制

授馮道門下侍郎平章事制

贈王思勳左武衛大將軍制

平張從賓赦制

復陳保極官制



復范延光等官爵制

冊于闐王李聖天制

封王繼恭臨海郡王制

封迴鶻奉化可汗制

元日推恩制

封王建高麗王制

改唐莊宗陵名詔

遷擢中外臣寮詔

追封萬石君詔

贈李遐右諫議大夫詔

獎張允駁赦論詔

慎刑詔

放定州夏稅詔

獎王易簡進漸治論詔

升汴州爲東京詔

停兵部尚書王權官詔

許百姓鑄錢詔

過格選人準降資注官詔

禁擅加賦稅詔

答曹國珍請修大晉政統詔

以宰臣一人知中書印詔

勒林恩鄭元弼歸國詔

立唐五廟詔

定朝會禮節樂章詔

與陳靖

與陳靖

與陳靖

欽定全唐文卷一百十四

晉高祖

帝姓石氏諱敬瑭太原人唐景福元年生事後唐莊宗明
宗累官侍中太原尹北京留守兼大同振武彰國威塞等
軍蕃漢馬步軍總管清泰三年五月封趙國公是年叛後
唐十一月受契丹主冊即皇帝位在位七年年五十一諡
曰聖文章武明德孝皇帝廟號高祖

赦事潞王從珂諸臣罪制

朕遠提義旅尋克皇都六部相次以奉迎兆庶晝時而安

堵旋茲底定已遂廓清應文武百官等早列通班各懷忠
節掩節雖淪於汚俗推誠必候於維新但當共罄嘉謨副
予虛佇虞秦可鑒在於用捨之間堯舜爲心方務含宏之
德勉堅臣節深體朕懷其兩班臣寮應事僞庭者並宜釋
罪

授趙瑩門下侍郎平章事桑維翰集賢殿大學士

制

天有寶圖應運者文明之主國調金鉉入司者經緯之臣
將冀大同頌資良弼况謂建邦之始難虛納揆之官其有

霸府舊寮前籌上密歷歲寒而斯久宏益嘗多經艱險而
不渝忠貞彌篤式旌懿德宜舉徽章乃擇吉辰爰行並命
翰林學士承旨知河東軍府事正議大夫尚書戶部侍郎
知制誥賜紫金魚袋趙瑩儒中端士席上正人襟靈而萬
里坦夷行葉而四時繁茂洎陞簪履旦夕之贊畫過人每
侍籌帷遐邇之折衝在我翰林學士權知樞密使事正議
大夫尚書禮部侍郎知制誥賜紫金魚袋桑維翰文場翹
楚學海波瀾撓澄不變於二風躁靜同歸於一德誠抱兼
人之器諒懷經國之才十年伸揮翰之勞數鎮有從征之

役而皆功參佐命績顯坐籌蕭曹遠接於英猷房杜近齊
於芳烈成予丕業職爾元勳既協良辰難稽懋賞自董戎
而居廊廟繇內翰而秉鈞衡乃用器能佇觀變贊於戲優
賢異典有國新恩勉伸禪救之謀共致升平之治事繁罔
避言直勿辭永修魚水之歡以保雲龍之契瑩可金紫光
祿大夫門下侍郎平章事維翰可集賢殿大學士依前權
知樞密使事

授馮道門下侍郎平章事制

舜任五臣坐致穆清之化漢尊三傑克成王霸之基皆所

以君臣義通上下情洽得以寅亮大化導揚休聲百工允
釐垂衣裳而御宇萬方率服鑄劔戟以爲農式繇輔弼之
功兆此隆平之運朕謬膺開創初統寰瀛照臨將被於淳
風宰制實憑於良輔其有功宣締構業紹經綸兩朝輸翊
戴之勲萬彙仰陶鈞之力是宜重膺夢卜再踐廟堂俾光
新造之邦共闡無爲之化經邦致理翊戴功臣特進守司
空上柱國始平郡公食邑二千五百戶食實封三百戶馮
道禮天蒼璧鎮國元龜夏璜爲稀世之珍軒鏡是辟邪之
寶方諸才業良平有可差其肩較彼忠貞姚宋不得並其

轡可謂人臣之刀尺造化之丹青自明宗皇帝克紹基局
仰膺圖讖於草昧皇靈之際有攀鱗附翼之功密贊皇猷
靜司帝誥出納奉命周旋八年持葛秤以定錙銖浮殷舟
而拯沈溺四時成歲陰陽畢順於變調九德不愆朝野咸
推於表式繫予薄德獲被寵靈將惕勵以爲懷恐負荷之
弗克宜憑勲德共濟艱難是用重啟巖廊俾持埏埴水土
之崇資不改宏文之大柄仍兼於戲造膝陳謀爾無辭於
禪救開懷納諫朕不怠於聽從致社稷於昌期納生靈於
壽域共臻至理勿墜前功唯於大臣不俟多訓可守司空

兼門下侍郎平章事宏文館大學士

贈王思勳左武衛大將軍制

思勳早承家廕久列內廷奉王命而不辭顧賊衆而無懼
宣揚朝旨勸諭兵師遂被凶徒橫加殺害而聞厥父抱疾
其家甚貧不有旌酬何彰忠烈可贈左武衛大將軍仍以
思勳舊請俸祿終王元正一世思勳男候有長成者量才
敘錄兼令所司厚給賻贈噫以子之俸終父之年足表渥
恩以慰存歿布告中外咸使聞知

平張從賓赦制

雷雨作解表天道之推恩瑾瑜匿瑕顯國君之含垢顧惟
師古敢怠宏仁關河旣靜於昏霾綸綍宜覃於慶澤昨者
張從賓輒萌逆節遠結叛臣釁起三城悲纏兩地占據我
都邑虔劉我士民九泥欲閉於虎牢祆霧幾迷於鳳闕賴
乾坤垂祐將相協謀渠魁送死於網羅凶黨咸膏於原野
捷音繼振惡蔓皆除宜施曠蕩之恩以撫驚騷之地仍頒
霈澤徧及縲囚貴感召於淳和速盪平於氛祲天福二年
八月二十五日昧爽已前天下見禁囚徒除十惡五逆光
火劫舍持仗殺人合造毒藥官典犯贓欠負官錢外其餘

不問輕重已發覺未發覺已結正未結正並宜釋_均應自
張從賓作亂已來有曾被張從賓及張延播脅從染汚及
符彥饒下隨身軍將等兼安州王暉徒黨除已誅戮外並
從釋放一切不問尚恐無知之人暗有恐動物色委洛京
守河陽節度使明加察訪犯者重斷或無辜被害或徇
節忘生既抱沈冤宜申贈典應自張從賓作亂已來諸色
官寮內有沒於王事者並與追贈有子孫量才敘錄或是
諸軍小節級長行已下沒於_骨事者具給本家三年糧賜
有男成長者委侍司衛典諸軍內酌量安排富父春喉須

誅元惡文王葬骨式表至仁自張從賓作亂已來所在殺傷者並委逐處差人收拾骸骨葬瘞張繼祚在喪紀之中承逆豎之意顯從叛亂難貸刑章乃睠先臣實有遺德遽茲乏祀深所軫懷其一房家業準法雖已籍沒所有先臣并祖父母墳莊祠堂並可交付親的骨肉主張應有犯事人親的骨肉除已誅戮外並放一切不問所有祖先墳塋亦仰準此交付負國者天地不容爲逆者人神共怒永惟肸鬻實有感通昨出師之時將帥虔禱頗聞陰祐成此戰功唐衛國公宜封靈顯王其餘鄭州并汜水管內神祠宜

令長吏差官點檢如有墮損處便委量事修葺貴伸嚴飾
以答陰功五嶽承天四瀆紀地自正當陽之位未伸望秩
之儀宜令差官徧往告祭兼下逐州府量事修崇所有近
廟山林仍宜禁斷採樵降黜之科旣然不濫洗滌之道足
使自新應自創業已來降黜者並可放還兵興已來邊疆
多事或因虜掠或偶滯留歲序遷移家鄉迢遞魚腸雁足
嘗懸骨肉之恩月夕霜天必起桑榆之思宜令收贖俾遂
歸還自梁朝後唐已來前後奉使及北京沿邊管界虜掠
往向北人口宜令官給錢物差使齎持往彼一一收贖放

歸本家興兵動衆蓋殄元凶伐罪弔民須安兆庶應內府
管界內今年夏稅近指揮只徵五分今以方駐兵師無不
勞役並宜蠲放於戲顧惟薄德屬此多艱敢忘御朽之規
思廣納污之道爰敷渙汗貴洽蒸黎更在中外輔臣文武
列辟同扶寡昧以致隆平告報寰區宜體朕意

復陳保極官制

朝散大夫衛尉寺丞陳保極夙蘊才名早登科第洎居班
列深顯器能近者假限旣違朝章是舉自聞左降深悟前
非宜推宥罪之恩俾奉自新之命勉伸傾竭繼俟陟遷可

復行尚書倉部員外郎賜紫金魚袋

復范延光等官爵制

節文

頃朕始登大寶未靖中原六飛纔及於京師千里未通於
懷抱楚王求舊方在遺簪曾子傳疑忽成投杼尋聞悛悔
遽戮姦回干戈俄至於經時雷雨因思於作解果馳賓介
疊貢表章向丹闕以傾心瀝素誠而效順而況保全黎庶
完整甲兵納款斯來其功非細得不特頒鐵契重建牙璋
封本郡之土茅移樂郊之旌鉞至於將吏咸降絲綸於戲
上穹之運四時不愆者信大道之崇三寶所重者慈活萬

戶之傷夷息六師之勞瘁遂予仁憫旌爾變通永貽子孫
長守富貴敬佩光寵可不美歟可復推誠奉義佐運致理
功臣天雄軍節度管內觀察處置等使開府儀同三司守
太傅兼中書令廣晉尹上柱國臨清王食邑一萬戶食實
封一千戶改授鄆州刺史天平軍節度鄆齊_闕等州觀察
處置等使賜鐵券改封高平郡王仍令擇日備禮冊命以
天雄軍節度副使檢校刑部尚書李式檢校尚書右僕射
充亳州團練使以貝州刺史孫漢威爲檢校太保隴州防
禦使以天雄軍三城都巡檢使薛霸爲檢校司空衛州刺

史以天雄軍馬步軍都指揮使王建爲檢校司空朔州刺史以天雄軍內外馬軍都指揮使藥元福爲檢校司空深州刺史以天雄軍內外步軍都指揮使安元霸爲檢校司空隨州刺史以天雄軍都監前河陽行軍司馬李彥珣爲檢校司空坊州刺史

冊于闐王李聖天制

于闐國王李聖天境控西陲心馳北闕頃屬前朝多事久阻來庭今當寶歷開基乃勤述職請備屬籍宜降冊封將宏來遠之恩俾樂無爲之化宜冊封爲大寶于闐國王仍

令所司擇日備禮冊命以供奉官張光鄴充使

封王繼恭臨海郡王制

王者居域中之大以天下爲家兩曜照臨必覃聲教二儀
覆載咸有寵綏矧夫地鎮南臺心傾北闕遙識興隆之運
顯翰翊戴之誠得不並舉徽章式旌亮節爰當吉日遂降
明恩威武軍節度福建管内觀察處置等使光祿大夫檢
校太保兼御史大夫上柱國瑯琊縣開國伯食邑七百戶
王繼恭淮水源長緱山系遠代襲弓裘之業家承帶礪之
勲劔有龜文乃是干星之器玉稱龍輔允爲照廡之珍當

年已得於佩刀繼世連持於瑞節紅蓮綠水幕中多倚馬
之賓貝冑犀渠帳下悉曳牛之將號令而秋霜肅物撫綏
而時雨隨車嶽鎮一方風行萬里而況誠專會禹道著尊
周挂帆檣而遠涉滄波貢章表而備陳丹懇菁茅畢至無
虧任土之儀玉帛咸來悉是充庭之寶爾能若此朕實嘉
焉是用益以井田榮之黻冕階昇峻級爵極真王冀旌奉
上之心仍錫推忠之號於戲航深梯險爾無怠於恭虔崇
德報功朕敢稽於渥澤勉承休命永保令圖可特進檢校
太傅福州大都督府長史威武軍節度福建管內觀察處

置兼三司發運等使封臨海郡王加食邑二千戶食實封三百戶賜推忠奉節功臣

封迴鶻奉化可汗制

迴鶻可汗仁美雄臨朔野虔奉中朝一方之烽燧茂聞萬里之梯航繼至自當開創益效傾輸備覩尊獎之心爰降冊封之命宜封爲奉化可汗擇日備禮冊命遣衛尉卿邢德昭持節使之

元日推恩制

朕自勉副羣心恭臨大寶承歷代荒屯之後屬前朝喪亂

之餘每務綏和漸期富庶尋以東遷梁苑北定鄴都國力
既虛軍資甚廣所司以供億爲念督責是專嘗思凋弊之
民倍軫焦勞之意今我事漸簡農時欲興將導達於休和
用頒宣於渥澤宜蠲宿負以惠黎元應天福元年終已前
公私債欠一切除放

封王建高麗王制

王者法二象以覆載齊七麗以照臨既符有道之文是布
無私之化其有誠懸象闕路越鯨津首傾拱極之心久勵
事君之節得不示四時之信同萬國之風用顯英賢俾行

典禮大義軍使特進檢校太保使持節元菟州都督上柱
國高麗王王建天資閒傑神授機謀宇量矜嚴靈襟洞達
志堅金石操凜雪霜每切朝宗嘗勤事大守三韓之重地
仁義兼修定百濟之疆鄰恩威並振暨朕握圖御宇膺籙
開基遣猶子以朝天備彰忠節改名臣而稱賀益認深誠
而又敘立國之繇述連姻之舊慕予正朔顯爾籌謀是用
時舉徽章聿覃豐澤階外一品位統三師加以戶封兼其
真食勉膺寵命以保令猷可開府儀同三司檢校太師依
前使持節元菟州都督充大義軍使食邑一萬戶食實封

一千戶高麗國王

改唐莊宗陵名詔

唐莊宗陵名與國諱同宜改爲伊陵應京畿及諸州縣舊有唐朝諸帝陵并真源等縣並不爲次赤卻以畿甸緊望爲定其逐處縣令不得以陵臺結銜考滿日依出選門官例指揮隔任後準格例施行其宋州亳州節度使刺史落太清宮使副名額

遷擢中外臣寮詔

有晉開國新命臨人宜宏不二之規以廣無私之化應在

朝中外臣寮及節度團練防禦使刺史留守司及州府縣官等宜并與加恩擢材委任不問常例

追封萬石君詔

宗正卿石光贊奏滎陽道左有萬石君石奮之廟德行懿美宜示封崇用光遠祖之徽猷益茂我朝之盛典贈奮太傅

贈李遐右諫議大夫詔

東都奏留守判官監左藏庫李遐當張從賓作亂之際道李彥珣強取錢帛李遐稱不奉詔旨安敢從命尋遇害朕

以李遐讀古人書持君子行攻苦食淡承家不墜於素風
激濁揚清厯宦咸推於貞操一昨叛臣猖獗凶黨憑陵而
能守正不回臨難無懼忘身徇節雖死猶生若無優異渥
恩何以光揚忠烈仍聞母老子幼鄉遠家貧宜超贈於華
資兼賞延於嫡嗣是覃漏澤慰彼沈冤可贈右諫議大夫
其母田氏封京兆郡太君所有子孫候服闕日量才敘錄
朝廷雖已特支救接錢帛粟麥其本官賻贈物色宜依常
例指揮仍長給遐在生官俸祿終母一世噫朕以薄德屬
茲多難致害忠良實多軫惻以子之俸終母之年用表盡

傷俾慰存歿布告中外當體朕懷

獎張允駁赦論詔

張允位居近侍志奉遠圖屬將來之助致小康覩已往之
頻行大赦若惠姦稍甚則蠹政亦多推恩務洽於華夷作
解冀調於疎數所貢論宜付史館

慎刑詔

刑獄之難古今所重但關人命實動天心或有冤魂則傷
和氣應諸道州府凡有囚徒據推勘到案款一一盡理子
細簡律令合格勅其聞或有疑者準令又讞大理寺亦宜

申尚書省省寺明有指歸州府然後決遣

放定州夏稅詔

朕自臨寰宇每念生民務切撫綏期於富庶屬于戈之未
戢慮徭役之或煩以彼中山偶經夏旱因茲疾苦遽至流
移達我聽聞深懷憫惻應定州所奏軍前夫役逃戶夏稅
並放

獎王易簡進漸治論詔

王易簡手演王言心資帝業當開創之運以遠大而論天
不能蹙變四時地不能躁成萬物況當革夏盡已從周化

未可以驟行事只宜於漸治不疾而速其在茲乎所貢論
宜付史館

升汴州爲東京詔

爲國之規在於敏政建都之法務要利民歷考前經朗然
通論顧惟涼德獲啟丕基當數代戰伐之餘是兆庶傷殘
之後車徒旣廣帑廩咸虛經年之輓粟飛芻繼日而勞民
動衆常煩漕運不給供須今汴州水陸要衝山河形勝乃
萬庾千箱之地是四通八達之郊爰自按巡益觀宜便俾
升都邑以利兵民汴州宜升爲東京置開封府仍升開封

府浚儀兩縣爲赤縣餘并爲畿縣應舊制開封府時所管屬縣並可仍舊割屬收管亦并爲畿縣其洛京改爲西京其雍京改爲晉昌軍

停兵部尚書王權官詔

王權昨差北朝國信使堅不肯收接勅牒兼有狀推托事故不遵朝命者王權久在班行衆推夙舊固曉爲臣之節宜遵事主之規豈得纔命乘軺遽聞托故莫有奉公之道益彰慢事之心若以道路迢遠則鸞閣之台臣亦往若以筋骸衰減即鳳山之冊禮纔迴旣黷憲綱宜從殿黜宜停

見任仍勒歸私家

許百姓鑄錢詔

國家所資泉貨爲重銷蠹則甚添鑄無聞宜令三京諸道
州府無問公私應有銅者並許鑄錢仍以天福元寶爲文
左環讀之每一錢重二銖四參十錢重一兩仍禁將鉛鐵
雜鑄諸道應有久廢銅冶許百姓取便開鍊永遠爲主官
中不取課利除鑄錢外不得接便別鑄銅器

過格選人準降資注官詔

過格選人等早列官途合依選限或值戈鋌之隔越或緣

貧病以淹延既礙舊條永爲廢物適當開創宜憫源沈可
赴吏部南曹準格召保是正身者與降資注官

禁擅加賦稅詔

朕自臨區夏每念蒸黎嘗夜思而晝行冀時康而俗阜其
如干戈乍平多由是疚懷不能安席復又車徒甚
衆廩藏方虛雖賦租未暇於矜蠲而煩擾當行於禁止俾
除暴斂式洽羣心應郡守藩侯不得擅加賦役及縣邑別
立監徵所納田租委人戶自量自槩

答曹國珍請修大晉政統詔

一 職居諫諍志在恢宏當其鼎社開基乃欲象魏懸法
請詳前代之編簡別創新朝之措模以示將來甚爲允當
其詳議官宜差太子少師梁文矩左散騎常侍張允大理
卿張澄國子祭酒唐爲大理少卿高鴻漸國子司業田敏
禮部郎中呂咸休司農員外郎劉濤刑部員外郎李知損
監察御史郭延升等一十人

以宰臣一人知中書印詔

皇圖革故庶政惟新宜設規程以諧公共其中書印祇委
上位宰臣一人知當

勒林恩鄭元弼歸國詔

朕仰承天命肇啟帝圖黃屋非尊蒼生在念旰食宵衣而
修庶政推恩示信以御萬方要荒未綏責躬勤止誕慕文
德不愆夙心乃睠甌閩素惟藩翰王昶昨修傾向來效貢
輸朕亦釋以前非待之厚禮越羣方之常例崇列國之真
封爰及繼恭並昇方伯不謂恃其險阻肆彼僭差矯誣上
天狎侮君子左散騎常侍盧損等泛舟陽海持節遐陬王
昶自大自尊不迎不見寢停詔命脅辱使臣遣鄭弼再詣
闕庭使林恩別陳狀訴隳君臣之事體希書札以往來悖

禮慢言長無畏忌朕顧惟寡昧虔荷景靈所慮德之不修
豈患人之未服然以失道愆義引惡紊常人祇之心憤怒
俱至是用懲其跋扈何須振以威刑鄭元弼等處此亂邦
罹茲虐政諒非獲已良可哀矜宜令所司切加安撫所齎
文字及諸貢物不任通進并諸州綱運等勒林恩鄭元弼
管押速歸

立唐五廟詔

德莫盛於繼絕禮莫大於敬先莊宗立興復之功明宗垂
光大之業逮乎閔帝實纂本枝然則丕緒洪源皆尊唐氏

繼周者須崇后稷嗣漢者必奉高皇將啟嚴祠當從茂典
宜立高祖太宗及莊宗明宗閔帝五廟

定朝會禮節樂章詔

正冬二節朝會舊儀廢於離亂之時興自和平之代將期
備物全繫用心須議擇人同爲定制其正冬朝會禮節樂
章二舞行列等事宜差太常卿崔稅御史中丞竇貞固刑
部侍郎呂琦禮部侍郎張允與太常寺官一一詳定禮從
新意道在舊章庶知治世之和漸見移風之善

備意既去蓄章無味許世之時禱只多思之言

海新雅名擬盤時和親親亦與太常寺官一一其文對

章二義并極等事宜美太常樂器對論文中丞寶貞固

辭辭全譽取必於親親人同為安情其五冬博會對

五冬二贊博會蓄新親於聯攝之報與自味平之火

五博會對樂章

宜立高節美宗受華宗仰宗閣帝五

繼世者彰崇台際國英者必奉高皇

欽定全唐文卷一百十五目錄

晉高祖 二

福州貢物私商準律處分詔

正朝班詔

諭安州節度使李金全詔

贈賈仁詔右衛將軍詔

贈桑干等官詔

寬竊盜賊罪詔

封唐叔虞臺駘詔

修葺嶽鎮海瀆廟宇詔

罷冬至寒食等節進奉詔

停朝貢置宴詔

翰林學士公事並歸中書舍人詔

岳牧善政委倅貳官條奏詔

決滯獄詔

贈狄仁傑太師詔

除放積欠詔

令沿河使尹兼河隄使名詔

削張彥澤官階詔

詔三升

諭安重榮詔

朝臣除外任準同在朝例升進勅

封唐後備三恪勅

招撫流亡官健勅

得替官限家居一年方得赴闕勅

禁薦人藩鎮勅

嚴約軍法勅

獎于鵬忠諫勅

予文武百僚先代封贈勅

予臣僚母妻敘封勅

答杜筵請開種荒田勅

幸汴州勅

令法司改正法書文字勅

答王權奏請禁貢獻奢侈勅

令立妃及拜免三公等並降制命勅

更定銓選章程勅

聽以見居官品封贈三代勅

欽定全唐文卷一百十五

晉高祖

二

福州貢物私商準律處分詔

朕自御萬方於今五稔每推誠而待物貴舍已以從人乃有不體朕懷柔恣行凶慝顯于紀律須舉憲章福州王昶恃彼偏方亂其彝典於使臣而倨傲向朝闕以邀求深虧臣子之儀固掇神祇之怒尚全大體特示寬恩所有貢輸悉令迴復舞羽而聿思修德轉規而猶冀省譽而王建立三上奏章楊光遠繼陳表疏朝行之內邦計之司同有敷

敷謂非允當且王昶以無用之物取利中華萌不軌之心
僭稱大號盜乘輿之式度竊冠冕之威儀眩誘良家招收
奇貨此而可恕孰不能容或貢讜言請從籍錄鄭元弼等
相次上狀不愿迴歸亦可憫傷各令存卹其福州貢物私
商宜準律處分

知自齊正朝班詔

官爵之班即分高下見謝之位豈有異同宜格通規以爲
定制今後宰臣使相朝見辭謝並於崇元門內與諸官重
行異位一時列拜假開橫行即從舊例又入閣之儀序班

爲重宣喚則齊趨正殿放仗則各出朝門何起居之禮即
同而進退之規有異其翰林學士及前任郡守等今後入
閣退朝宜依百官班制

諭安州節度使李金全詔示

邊藩都護三載一更古之制也嗣守世及則勞役不均朕
俾全節代卿將授卿以重領何猶豫熒惑而有異圖近覽
復州上言云東陵洄口官波三戍皆稱江下鳩集水軍大
發樓櫓與卿應援又賈貞蔡進等咸以蠟書章表來投闕
庭故旋命六將徵兵三萬如能轉圜從順朕亦待爾如初

予之食言何以享國若其迷塗不返即聾從昧則夷宗覆族良可哀也

贈賈仁詔右衛將軍詔

故銀青光祿大夫檢校左散騎常侍兼御史大夫賈仁詔頃自內廷出為外職李金全愚冥而猜忌胡漢筠邪佞而貪殘竟罹塗地之殃誠堪嘆息爰示漏泉之澤用表褒崇必有貞魂欽茲茂典可贈右衛將軍

贈桑干等官詔

故安州馬步軍副都指揮使桑干威和指揮使王萬金成

彦溫等皆精武畧咸著軍功或列偏裨或嘗屯戍當姦臣
之叛國或執節不從全烈士之徇名或銜冤而死實興水
嘆宜示追崇或列部符或外環衛賁諸幽壤彰彼明誠干

可贈岐州刺史萬金可贈左監門衛將軍彦溫可贈左千

牛衛將軍

知更五寬竊盜賊罪詔不

朕自臨區夏每念生靈惡殺爲心寶慈是務凡於獄訟常
切哀矜况時漸興文民皆知禁宜伸輕典用緩峻刑今後
竊盜賊滿五匹處死三匹以上決杖配流以盜論者依律

文處分

封唐叔虞臺駘詔

全晉奧區興王重鎮唐叔之英靈未泯臺駘之古廟猶存

朕頃在并門長承陰助永言正直宜用封崇唐叔虞宜封

興安王臺駘宜封昌寧公

修葺嶽鎮海瀆廟宇詔

嶽鎮司方海瀆紀地載諸祀典咸福蒸民將保豐穰

虔敬俾加崇飾以奉神明其嶽鎮海瀆廟宇等宜令各修

葺仍禁樵蘇

罷冬至寒食等節進奉詔

朕自御寰區每思黎庶貴除聚斂以活疲羸訪聞遐僻邊境之州或無公廨利用之物每因節序亦備於貢輸輟官吏之俸錢率鄉國之人戶雖云奉上其奈害公今後冬至寒食端午天和節及諸色謝賀無屬州錢處俱不得進奉

停朝貢置宴詔

臣子之心務申勤敬國家之體自有規繩凡侯伯之來朝或君臣之相見豈煩貢奉方啟宴筵事既非宜理當改置臣下置宴今後宜停

翰林學士公事並歸中書舍人詔

六典云中書舍人掌侍奉進奏參議表章凡詔旨制勅璽書策命皆案故事起草進畫既下則署而行之其禁有四一曰漏洩二曰稽緩三曰違失四曰忘誤所以重王命也古昔已來典實斯在爰從近代別創新名今運屬興王事從師古俾仍舊貫以耀前規其翰林學士院公事宜並歸中書舍人

岳牧善政委倅貳官條奏詔

王者行考績之文重爲政之本若存功課自有旌酬或仗

鉞守方著安民之術或剖符刺部彰恤物之仁凡著政聲
悉聞朝聽邇者數州百姓舉留本部長官遂涉道途徑趨
京闕皆陳善治並述公清或指使而方來或感激而自至
勞煩行役妨廢耕耘言念苦辛倍深軫憫今後岳牧善政
委倅貳官條件奏陳必當旌別勤勞審詳課最如不愆於
名實固無恡於渥恩

決滯獄詔

政刑所切獄訟惟先推窮須察於事情斷遣必遵於條法
用宏欽恤以致和平應三京鄴都及諸道州府縣見禁諸

色人等宜令逐處長吏切提撕疾速決遣每務公當勿使滯淹

贈狄仁傑太師詔

唐室中圯賢臣挺生凜然英風迴冠千古不有典冊曷旌忠良唐梁國公狄仁傑稟五行正氣聳九諫直操鼎祚危而復安黔庶否而獲泰惠流河北名振寰中惟爾事君無愧臣節用光遺像式示明恩論道經邦著周官之貴位貞魂毅魄煥魏土之靈祠昭是寵嘉永光緹素可追

日太師

仍令所司擇日備禮冊命

除放積欠詔

朕自臨天下每念民間御一衣思蠶^貴之勞對一食想耕
耘之苦而況職官俸祿師旅資糧凡所贍供悉因黔庶得
不救其疾苦憫彼災傷徵宿欠慮流離者不歸均殘租恐
貧饑者漸困今春膏雨繼降農作方興宜示渥恩俾蘇疲
瘵天福二年至四年夏秋租稅一切除放

令沿河使尹兼河隄使名詔

近年以來大河頻決漂盪人戶妨廢農桑言念蒸黎因茲
凋敝凡居牧守皆委山河旣已在封巡所宜專切起今後

宜令沿河廣晉開封府尹逐處觀察防禦使刺史等並兼
河隄使名額任便差選職員分擘勾當有隄堰薄怯水勢
衝注處豫先計度不得臨時失於防護

張彦澤官階詔

張彦澤剝剔賓從誅剝生聚冤聲穢跡流聞四方章表繼
來指陳甚切尚以曾施微功特示寬恩深懷曲法之慙貴
循議勞之典其張彦澤宜削一階仍降爵一級其張式宜
贈官張式父鐸弟守貞男希範並與除官仍於涇州賜錢
十萬差人津置張式靈柩並骨肉歸鄉所有先收納卻張

式家財物蓄並令卻還其涇州新歸業戶量與蠲減稅賦
論安重榮詔

爾身爲大臣家有老母念不思難棄君與親吾因契丹而
興基業爾因吾而致富貴吾不敢忘爾可忘耶且前代和
親只爲安邊今吾以天下臣之爾欲以一鎮抗之大小不
等無自辱焉

朝臣除外任準同在朝例外進勅

外官內官陳力實關於共理或出或處藉才難執於常規
近覩朝臣偶除外任三年替罷之後再來擬官之時不計

新職之勤勞唯循舊官之資歷比藉幹濟翻成滯淹宜別
立於規繩貴各期於激勵宜今後應朝臣中有藉材特除
外任者秩滿無遺闕將來擬官之時在外一任同在朝一
任升進其就便自求外職及不是特達選任者不在此限

封唐後備三恪勅

周以杞宋封夏殷之後爲二王後兼封舜之後爲三恪唐
以周隋之後封公又封魏之後爲三恪夫應天開國恭已
臨人宜覃繼絕之恩以廣延洪之道宜於唐朝宗屬中取
一人封公世襲兼隋之鄴公爲二王後以周後介國公備

二恪其主祀及
大朝會委所司具典禮申奏其唐朝宗
屬中舊在朝及諸道爲官者各據資歷考限滿日循品秩
序遷已有出身任令參選

詔無流亡官健勅

勅聞訪諸道州府等昨以朝廷近有指揮搜羅官健震驚
戶口騷動鄉原致彼編氓不思樂業結聚徒伴藏避山林
其間亦有接便爲非率意行劫事不獲已想非故心今旣
國步晏寧春事興作宜行告諭各便歸還但務耕農況無
徭役切慮有無知之輩懼罪不歸須示條流冀令安靜限

勅到後與量地里遠近與限各令復業已前為非一切不
 問如限內不來者其物業許鄰近人請射承佃或有不聽
 招攜尚行偷劫者一聽居停及鄰人密來陳告便許占射
 賊人物業充賞如賊無物業即與逐處指揮每告一人即
 與賞錢二十貫文如至十人以上更賜銀鞍轡馬一匹此
 外並依所告得人數支與賞錢仍據所願穩便處與補職
 安排委逐處長吏遍下管內令於山谷道口津渡如法粉
 壁曉諭仍不任差人四向專切招攜如是不能悛改尚務
 結集者委逐處差兵掩殺

得替官限家居一年方得赴闕勅

應諸道前任行軍副使等例從替罷久住京師每念滯淹
嘗懷惻憫極欲疾速發遣穩便安排但以擬除一人須俟
一闕授命者纔去得替者便來到闕既專望渥恩在任又
須終月限循環不已積滯轉多而況在京所費亦倍必想
在外一年事力纔充在京數月支持比候闕員多稱委困
當別行於條貫期各守於規程起今前件官員等如得替
後且就家私穩便安居限一年後方得赴闕朝廷當據職
資便與比擬或非時有闕與就便安排自然公私得濟出

處合宜有員闕以安排無歲時之停滯事關悠久情在優
矜各委遵承勿得踰越其先得替在京者宜令中書據見
有員闕處量才安排仍降勅諸道各令知委員等收管

禁薦人藩鎮勅

州縣之官俾其戢理錢穀之職委以秉持須選廉勤豈容
薦託一時苟從於私徇久遠必紊於公方頃在唐勅曾有
勅命貴杜僥倖之漸明懸誠約之條時異理同再宜申舉
自奉後中外臣寮或因差使出入並不得薦囑人於藩鎮
希求事任如有犯者並準唐朝長興二年勅條處分仍付

所司受命實效亦全皆處風禁之端煥發冥國

嚴約軍法勅

古之用兵必先立法等第既分於將領高卑自有於規繩
或聞近年多踰此制至於行閒士卒罔遵都內指揮既侮
國章且乖師律適當開創要整紀綱宜示條流免干法制
應在京及諸道馬步諸軍將領節級長行等今後仰並依
階次第凡事制禦區分如是長行或有違犯即副將便可
據罪處理如是副將十將違犯即便勒本指揮使據罪科
處指揮使違犯不出軍時即委都指揮使具錄事繇騰奏

當行勘斷如是行營在外即便委行營統領依軍法施行其餘諸道軍都見在本處者或有違犯便委本處節級防禦團練使刺史據罪科處事要整齊法宜遵守分明告諭

使聞知當並無也當軍謀貶貶是許等今對中並外 獎于鵬忠諫勅除要整齊法宜示新整軍于並外

于鵬官居諫諍志在輔禪所閱貢陳咸關政化備詳端盡良切歎嘉宜陟階資以申酬獎其于鵬加朝散大夫

于文武百寮先代封贈勅

朕以爰膺寶歷方啟金行旣風教之誕敷諒寰區之漸泰

而繇股肱元輔藩郡重臣咸著大功同爲至治雖列地顯
爵盡布新恩而追遠奉先猶虧舊典宜示褒功之寵俾祛
風樹之悲自在朝文武百寮至見任刺史先代未封贈者
據品秩與封贈已封贈三代者與加封贈

予臣寮母妻敘封勅

朕以削平禍亂開創基局漸銷偃之期永協興隆之運
亦繇左右元輔中外勲臣弼予一人宅是四海茂績雖彰
於王室覃恩未及於私門德盛母儀貴而因子禮優婦道
榮必從夫宜加渙汗之恩顯示封崇之典其未敘封者據

品秩與敘封已敘封國號者與進封

答杜遷請開種荒田勅

闢彼汙萊期於富庶方當開創正切施行往日雖曾指揮
漸恐廢墮當再申於勸誘期共樂於豐穰宜令逐處長吏
遍下管內應是荒田有主者一任本主開耕無主者一任
百姓請射佃蒔三年內並不在收稅之限

幸汴州勅

王者省方設教靡憚於勤勞養士撫民必從於宜便顧惟
涼德肇啟丕圖常務去乎煩苛冀漸臻於富庶而念京城

傲擾之後舟船焚爇之餘饋餉有虧支費殊闕將別謀於
飛輓慮轉困於生靈以此疚心未嘗安席今以夷門重地
梁苑雄藩水陸交通舟車必集爰資經度須議按巡寧免
暫勞所期克濟宜取今月二十七日巡幸汴州諸道州府
節度防禦團練使刺史不計遠近並不得輒離州城來赴
朝覲文武兩班委宰臣酌量逐司量差官員隨所應奉公
事外餘並留守司所在行宮一聽仍舊不得修葺經過量
事通得車馬外方當農時不得勞役人戶修治沿路食頓
並委所司破省錢物預前排備所在州縣並不得輒有科

欽布告中外咸使聞知凡百臣寮宜體朕旨

令法司改正法書文字勅

李遐改官鄭觀去世更候差遣轉慮稽延宜令大理寺其
合改正國號廟諱等文字如是不動格條不礙理義便可
集本寺官員檢尋改正如或顯繫重輕須要商議別具奏
聞其御史臺刑部所有法書合改正文字者亦宜準此

答王權奏請禁貢獻奢侈勅

王權素推華族方處重官覩四海之貢輸虛陳巧麗察五
兵之器用枉飾珍奇不惟耗彼生靈實且傷於淳素爰陳

章疏將召和平宜允敷敷明示誠約自今後臣寮貢奉不得務其滛巧衣甲器械不得飾以金銀或委遵行勿得踰越仍付所司

令立妃及拜免三公等並降制命勅

九五之尊億兆所賴法天敷化師古宣風宜循歷代之規以補前王之闕今據翰林志言立后不言立妃言儲君不言親王公主兼三師位在三公之上亦不在其間起今後立妃及拜免三公宰相及命將封親王公主宜令並降制命餘從令式處分

更定銓選章程勅

應諸道前資州縣令官等明庭選士歷代通規各係職司
共將掄擬顯有去留之式明分真濫之源今者州縣前資
官員悉於中書陳狀來事卻慮虛陳銓管永無常調之人
並在鼎司難遏躁求之習去歲以國朝創業州縣闕官思
廣渥恩是從優異今則彝倫攸敘庶政咸修宜舉規程俾
無侵越其今日已前在中書陳狀諸色人等見點簡引驗
如不欠少出身歷任文書及無踰濫者旋具奏擬宜令今
日後諸道前資州縣官等若是資考已出選門及一任除

官未入選門並一考前丁憂及活得冤獄者準元勅年限
滿日許經中書陳狀當與簡勘事理施行此外須令並依
前後勅格程限赴吏部參選或有公材出衆政績異常者
臨時超擢不在此限

聽以見居官品封贈三代勅

自家刑國歷代明規祖德宗功前王至訓在君臣之尊則
異在臣下之孝皆同凡有公田並立私廟自經多難不舉
舊章今以應運開基體元布化不思奉已專務安人高低
推念祖之誠內外保貽孫之慶其內外官等準勅合與三

代已下封贈者並以見居官品數比擬冀使人臣之列不
輕王父之尊永載簡編普示孝理

吳咨用下之孝皆同凡有公田並立休歸自歸多職不舉

百家既國秋分即賦野蕪宗女前王至德奇爵日之專限

意金車襲以良恩官品挂額三分殊

訓却跋躡不奇此則則舞倫使修虛政使修官察規

誰翁煉林野則此吏病參豎友有公林世眾廷懿異常未

蘇日指盤中書劇幾當與簡鶴律駐飲不此代取今並於

官未入豈開並一卷前下憂文新幹策辯昔華云傳平

欽定全唐文卷一百十六目錄

晉高祖 三

諭鹽鐵度支戶部等勅

量寬文書駁放勅

流高信等勅

減放洛京魏府夏稅勅

許罪人收葬勅

久任長吏勅

授張休官勅

贈石奮太傅勅

允梁文矩致仕勅

授李晟五代孫官勅

招撫尹暉婁繼英勅

卹囚勅

停差縣令檢巡河隄勅

禁喪葬舉樂勅

晉高加恩追尊四廟行事官勅

答殷鵬請加恩敘封勅

加恩選人勅

公棟

答竇貞固請定舉士官賞罰

宋德政碑勅

避嫌名勅

蘇武類人胡亥棟

聽私門立戟勅

晉棟

褒薛融直諫勅

令銓司檢點御署官文書勅

流韓延嗣勅

棟

給復同絳等州勅

招安魏府勅

賈島題晉先策棟

答曹國珍進寶溫顏習武策勅

聽公私自鑄錢勅

禁創造寺院勅

禁朝臣薦託勅

權停貢舉勅

許符彥饒等收葬勅

答桑維翰請免籍沒賊人財產勅

停寒食七夕等節進獻勅

封李從益為郇公勅

流李道牧勅

允成德軍請立節度使安重榮德政碑勅

令修唐史勅

令開墾曠土勅

停迎送使臣勅

禁朝臣薦託勅

禁朝臣薦託勅

禁朝臣薦託勅

令開鑿觀土棟

令開鑿觀土棟

令開鑿觀土棟

令開鑿觀土棟

令開鑿觀土棟

欽定全唐文卷一百十六

晉高祖 三

諭鹽鐵度支戶部等勅

鹽鐵度支戶部應監臨主持場院倉庫官吏等制置場務
總權課程將期共濟於軍流免使偏竭於民力嚮者所差
官吏鮮有專勤省司錄任之時盡言冰蘖及郡府主持之
後例縱輕肥莫濟公家但營私室所以處處多聞其逋欠
年年空係其徵催固執遷延坐期蠲放每惟此輩並合嚴
誅又以開創之初含宏是切既往者已關恩制今後者別

立嚴規或躡前非必難輕恕豈是願行峻法欲致豐財蓋
帑藏猶虛師徒甚衆俟期充濟難縱隱欺宜懸畫一之文
兼舉必行之令

量寬文書駁放勅

參選之日考驗之間稍容易則必長奸欺若艱難則或成
淹滯今後宜令所司點簡文書如有粟錯詳酌事理非藏
奸隱倖者不要駁放

流高信等勅

高信曾副郡符繼宏方參禁職凡於語默合曉規儀豈得

輒於內廷恣行私忿肆喧嘩而頗甚侮憲法以若無旣駭
物情尤傷事體苟無懲沮何戒踰違尚示含容止從譴逐
高信宜送復州收管王繼宏勒停送義州衙門前仍常知
所在

減放洛京魏府夏稅勅

朕自臨御寰瀛躬親庶政靜惟師古動欲便民雖物力方
虛每牽經費而田疇微損亦欲矜蠲朕見洛京內麥苗今
春稍似旱損尋覩魏府奏報境內亦有微傷須聊示於優
饒冀克諧於通濟比欲差官就檢又恐生事擾人其洛京

魏府管内所有旱損夏苗縣分特於五分中減放一分苗
子其餘四分仍許將諸色斛依倉式例與折納所期渥澤
以及衆多報告人戶各令悉知

許罪人收葬勅

王業肇興德音屢降念茲既往屬我維新宜宏掩骼之仁
以廣燭幽之德其太社內應收掌唐朝罪人首級並許骨
肉或親舊寮屬收葬其喪葬儀注聊備飾終不得過制仍
付所司

久任長吏勅

今後正官滿日宜令逐索長吏準元勅預前奏聞必在審
擇能官不得朝差暮替如顯有過犯不在此限仍令曉示
諸道

授張休官勅

進策官前攝鄭州防禦巡官前鄉貢明經張休以廉科擢
第義府遊心既堅拾芥之勤果契然薪之志而能救斯時
病來貢封章覽其所陳甚爲濟要旌諸憂國示以寵章王
畿式解於褐衣縣簿仍超於常品可將仕郎守河南府伊
陽縣主簿

贈石奮太傅勅

漢大中大夫石奮德盛軒裳道光簡素享萬石休明之祿
成一門忠孝之名彰茂實於前修契興隆於景運宗正卿
石光贊特上章疏欲示封崇冀表深原式昭豐祚宜贈太
傅

允梁文矩致仕勅

昔魏舒人之領袖以二揆而解官劉實邦之宗模自三公
而遜位所以審去就之常分保始終之令圖成功退身盡
善盡美太子少保梁文矩為仁由已以道事君烈士徇名

久輸忠於象闕達人知足堅請老於菟裘東路角巾南牕
羽扇爾思高致朕實嘉之進登保傅之班永顯君臣之義
可太子太保致仕

授李晟五代孫官勅

朕聞王者懷於有仁所以享靈長之運賞延於世所以勸
忠烈之臣唐開府儀同三司守太尉兼中書令西平王上
柱國岐國公食邑三千戶食實封一千五百戶贈太師諡
曰忠武李晟五代孫職以爾上祖西平王昔在德宗皇帝
幸梁洋之歲而有保定大功中興返正扶持社稷之力載

金定全唐文 卷一百一十一
四
諸史氏予嘉乃德曰篤不忘宜升五代之孫俾陟六聯之位光乃前烈煥乎後昆可將仕郎耀州司戶參軍

招撫尹暉婁繼英勅

昨者魏府帥臣忽興狂悖河陽兵士小有驚騷已各命於討除竚盡平於巢窟軍興之際賊計多奸時發細人潛賈蠟彈意在離間上下點污忠良朕固無疑人何懷懼近聞尹暉忽然出外不赴朝參又婁繼英誤有傳聞亦茲潛匿且尹暉婁繼英位居班列事合審詳不謂此時偶乖斟酌朕情深軫憫恩在矜寬專遣招攜特議釋放各委家人諸

處招喚出來卻令如舊一切不問此後諸處收捉到奸細
文字等其捉事人依舊支給優賞其細人畫時處斬文字
當處焚燒冀表推誠免令惑衆布告中外咸使聞知仍付
所司

卹囚勅

方枉狴牢又縈疾疹在典刑之自別顧醫藥以何妨實可
施行足彰仁憫宜下刑部大理寺御史臺及三京諸道州
府或有繫囚染患者並令逐處醫博士及軍醫看候於公
廨錢內量支藥價或事輕者仍許家人看候所有罪犯合

據杖責仍候痊損日科決

停差縣令檢巡河隄勅

修葺河岸深護田農每歲差隄長檢巡深為濟要逐旬遣
縣令行看稍恐煩勞隄長可差縣令宜止

禁喪葬舉樂勅

喪葬有期哀情慘極其或舉樂可謂乖儀始因伎藝苟求
遂致澆訛漸起所陳章疏頗正時風宜下有司永令止絕

加恩追尊四廟行事官勅

應追尊四廟行事官等追尊四廟式展盛儀行事庶官合

頒溥澤貴承光寵共贊孝思宜令銓司準元勅磨勘如守
選年深過格及已合格指授赴任不得并次一選兩選者
先與注官加欠三選四選月限不滿衝替下許非時注擬
者即相次注官仍須各依資序如不依元勅指揮欠選數
多者即仰都省奏聞

答殷鵬請加恩敘封勅

人子之道祿貴在於及親王者之恩事必從於尊本應內
外文武臣寮父母在如子品秩及格與加恩在朝行者父
與致仕官母與敘封郡邑號其外四品已上節度團練防

禦使刺史父與致仕官其餘與同正官母與敘封郡邑號
如內外官父已有致仕及同正官母已曾敘封子品高者
更與加進半俸續議指揮如父有職官不在此限餘並準
格文處分仍編令式永著常規

加恩選人勅

舉選之流辛苦備歷或則耽書歲久或則守事年深小有
違礙格條例是不知式樣今則方求公器宜被皇恩所有
選人等宜各令所司除元駁放及落下事由外無違礙並
與施行仍令所司徧下諸道起今後文解差錯過在發解

州縣官吏

答竇貞固請定舉士官賞罰勅

進賢受賞備有前文得士則昌斯爲急務竇貞固名參閤籍職在禁庭貢章疏以傾心請班行而薦士於可否之際分賞罰之科所貴當人無或曠職今後宜許文武百寮於縉紳之內草澤之中知灼然有才器者列名以奏納其章疏記彼姓名否臧盡達於予懷用捨免私於公議仍付所

司

避嫌名勅

朝廷之制今古相沿道在人宏禮非天降況以方開歷數
虔奉祖宗雖踰孔子之文之爽周公之訓冀崇孝行永載
簡編所爲二名及嫌名事宜依唐禮施行仍付所司

聽私門立戟勅

將相之崇朝廷所重並輸忠節仰奉宗祧宜旌佐國之功
顯示榮家之慶應中外臣寮帶平章事侍中中書令及諸
道節度使並許私門立戟仍並官給并各賜詔書仍據官
品依令式處分

褒薛融直諫勅

薛融官居諫署志奉皇圖特貢忠言備彰直道載觀臣節
深契朕懷其洛京大內先令葺修今宜停罷

令銓司檢點御署官文書勅

御署官員等自前並於中書陳狀引驗文牒擬官承乏之
官從權所任例逢興運咸被異恩其間慮有曾立事功或
未親官業宜稍分於殿最將審驗於行藏免興濫進之譏
用副當仁之選其御署官員宜令今後於銓司投狀銓司
追引點簡歷任文書分明者申送中書門下以憑旋據逐
人御署因由奏擬

流韓延嗣勅

韓延嗣因別喝見不避路者輒行毆擊致傷人命法寺定刑比不因鬪毆傷人辜內死者依殺人論蓋微相類且非本條罪有所疑法當在宥宜決脊杖十八黥面配華州發運務收管

給復同絳等州勅

朕奄有四方尊為萬乘所務誕敷教化普濟黎元蓋全師致討於妖狂而比戶未臻於富庶仍聞關輔偏屬旱災致以鄉村多有逃竄達我聞聽深用憫傷宜加矜卹之恩俾

遂歸還之計應三處逃移人戶下所欠累年殘稅并今年夏稅差科及麥苗子沿徵諸色錢物等並放其逃戶下秋苗據見檢到數不計是元額及出剩頃畝並放一半仰觀察使散行曉諭專切招攜應歸業戶人仍指揮逐縣切加安撫勉施惠養副我憂勤

招安魏府勅

勅魏府城內馬步諸軍將校員寮節級軍將長行及參佐官員僧道百姓等朕以范延光是明宗舊臣與朕素敦分義因開懷而捨釋果瀝懇以歸明君臣之義宛然金石之

言無改亦繇諸軍將士參佐職員同輸歸向之誠共感懷
柔之道備觀忠孝深所歎嘉將徧示於渥恩宜先行於慰
撫表予大信安爾衆心應在城官員將校長行今日已前
罪無輕重一切不問范延光已除授鄆州節度使賜鐵券
封本郡王孫漢威等將校等第除授防禦團練刺史已各
別行制勅命使往彼宣賜恩命仍令各取便路赴任恩命
未到間仍且委薛霸充都巡檢使喬謹充副巡檢候范延
光赴任後即可取便路發赴所任其餘將帥及參佐官吏
隨職員並一一分析名銜奏聞當議各加渥澤其應在城

馬步軍將廳子指揮散員親從左右義勇先鋒并入馬直
有馬步人神勇弩手鄭韜張進手下兵士并薛霸王建遣
諸色將校衙隊名額軍都並陞爲侍衛親軍排連所有今
年冬衣見闕綿數已指揮楊光遠收寨內綿勘會俵散應
有先被張從賓脅從符彥饒驚擾及衛州黎陽陷失因茲
走入及隔過官員使臣將士等兼自興師以來前後離背
軍都住彼者並不問罪其官員使臣等並與錄任其將士
等各與依舊請受諸軍收管如有入城後遷轉職名者便
據見守職名支給請受如有諸色人輒敢恐動並當深罪

在城將校及諸色官員應有物業爲人請射者並許給還
依舊爲主先有抽入城義軍並放歸本家如是已配在諸
軍者各隨本人所願如願在軍者即依舊收管願歸農者
即放歸本家所有府城四面人戶三十里內與放二年秋
夏租稅三十里外委逐縣令佐專切點檢如實曾經砍伐
桑柘毀拆屋舍者分析申奏盡與蠲放租稅切仰招攜速
令歸業應九月二十五日已前因事被殺之家不得更有
論訟及相讎報妻孥家產已配沒者並給還如有自云
十月十九日後來曾經在城將校及諸色人請射舍宇等

或爲配率柴薪或爲自要供燒毀折卻者只據九月二十
五日後見在者舍宇交割其有已破除卻間未數日不得
更有論索如內有屬官舍宇亦仰準此指揮應自去年七
月十九日已前有諸色商旅或城內與城外親情相識應
是寄留諸色錢物羊馬牛畜等或經括率或以沒納入官
或破罄盡不計是何公私官員寄付並不許更有論索如
敢以勅前事相告言及相讎報者以其罪罪之朕方啟基
扃務安華夏每推誠而待物日仗信以懷來布茲誓言質
諸天地天雄軍節度副使朝請大夫檢校刑部尚書賜紫

金魚袋李式可中大夫檢校尚書右僕射亳州團練使金
紫光祿大夫檢校司徒貝州刺史孫漢威可檢校太保隴
州防禦使天雄三城都巡檢使檢校戶部尚書薛霸可檢
校司空衛州刺史天雄軍馬步都指揮使檢校工部尚書
王建可檢校司空虢州刺史天雄軍內外馬軍都指揮檢
校戶部尚書藥元福可檢校司空深州刺史天雄軍內外
步軍都指揮使檢校兵部尚書繡州刺史安元霸可檢校
司空隨州刺史

答曹國珍進竇溫顏習武策勅

習戰講武歷代通規選士練兵其來舊制宜以每年農隙時講武仍準令式處分

聽公私自鑄錢勅

先許鑄錢切慮逐處缺銅難依先定銖兩宜令天下公私應有銅欲鑄錢者取便酌量輕重鑄造不得入鉛鐵及缺落不堪久遠流行

禁創造寺院勅

凡爲精舍將結勝緣清虛則神亦相依混亂則人皆不重其或偶然乘興率爾棲心鄉村接漁獵之家廛里定屠沽

之戶佛雖無染僧豈不輕宜崇釋梵之因永肅人天之化
所有自前院宇即且依舊住持今後城郭村坊一切不得
創造

禁朝臣薦託勅

訪聞朝臣於外州侯伯求其表狀奏薦交親朕以應天順
人開基創業大化方流於區宇至公必絕於澆訛私謁不
容朝經具舉更茲告諭止在依行今後文武庶官不可更
行薦託如有狀書便宜密具進呈觀察使散下諸州亦準
此處分

權停貢舉勅

尚書禮部歷代懸科爲時取士任使貴期於稱職搜羅每
慮於遺才其如銓司注官員闕有限貢闈考第人數不常
雖大朝務廣於選求而常調頗聞於淹滯每候一闕或經
累年遂令羈旅之人多起怨咨之論將令通濟須識從權
庶幾進取之流更勵專勤之業其貢舉公事宜權停一年
許符彥饒等收葬勅

符彥饒張繼祚婁繼英尹暉等皆受國恩悉虧臣節孽非
天作感實自貽尋正典刑屢遷歲月宜示燭幽之道用推

掩骼之仁宜令近親任便收葬

答桑維翰請免籍沒賊人財產勅

桑維翰佐命功全臨戎寄重舉一方之往事合四海之通
規況賊盜之徒律令俱載此為撫萬姓而安萬國豈忍罪
一夫而破一家聞將相之善言成國家之美事既資王道
實契人心今後凡有賊人準格律定罪不得沒納家資天
下諸州皆準此處分

停寒食七夕等節進獻勅

朕恭已臨民虛心求理務崇儉約以致和平乃眷臣寮悉

懷忠義每觀貢助備見傾輸雖嘉奉上之誠宜示酌中之道其寒食七夕重陽及十月煖帳內外羣后進獻宜停

封李從益爲郇公勅

周受龍圖立夏殷之祀唐膺鳳曆開鄴介之封歷代相沿百王不易朕顯符景運肇啟丕基乃睠前朝載稽舊典宜開土宇俾奉宗祧用推繼絕之仁以示惟新之德宜以郇國三千戶封唐許王李從益爲郇公奉唐之祀服色旌旗一依舊制以西京至德宮爲廟牲帛器服悉從官給

流李道牧勅

李道牧前爲陸渾縣主簿很直求官強詞抗勅厚誣宰輔
累犯乘輿措言孰顧於斥尊構意只謀其撓政將懲狡蠹
須舉典刑宜令決杖配流永不齒錄

允成德軍請立節度使安重榮德政碑勅

安重榮功宣締構寄重藩維 舌布詔條克除民瘼遂致寮
吏僧道詣闕上章求勒碑銘以揚異績旣觀勤政宜示允
俞其碑文仍令太子賓客任贊撰進

令修唐史勅

有唐遠自高祖下暨明宗紀傳未分書志成闕今耳目相

接尚可詢求若歲月寢深何由尋訪宜令戶部侍郎張昭
起居郎賈緯祕書少監趙熙吏部郎中鄭受益左司員外
郎李爲光等修撰唐史仍令宰臣趙瑩監修

令開墾曠土勅

鄧唐隨郢諸州管界多有曠土宜令逐處曉諭人戶一任
開墾佃蒔仍自開耕後與免五年差徭兼仰指揮其荒閒
田土本主如是無力耕佃即不得虛自占吝仍且與招攜
到人戶分析以聞

停迎送使臣勅

時屬炎蒸路當衝要使命之往來甚衆州府之迎送頗多
既有煩勞所宜軫惻自鄴都至襄州沿路州府除專到使
臣依尋常迎送外其餘經過并不任迎送

開鑿田郭以自開隸外與後主平差皆兼外許其款聞

澄魯翻唯請似管界多有鄭土宜令極盡輒備入

又僧道令開鑿觀土煉

順李為光等赴對專吏外令字田該望望

跋呂順賈然所書也望鼓照吏將中腹受益去同員小

對尚不備來若效其疑系何由尋書宜令有將封順聚

欽定全唐文卷一百十七目錄

晉高祖 四

示百寮御札

示百寮御札

令百官上封事御札

幸洛都御札

封錢元璿吳越國王玉冊文

改元大赦文

御文明殿大赦文

幸汴州赦文

幸鄴都赦文

平范延光大赦文

遺後蜀後主告即位書

答淮東鎮書

示百寮

示百寮

晉高臥

四

檢定全唐文卷一百一十目錄

欽定全唐文卷一百十七

晉高祖

四

示百寮御札

朕猥以眇沖式承眷命雖宵衣旰食不敢怠荒而一日萬
幾有虞曠闕應在朝文武臣寮等早升班序並蘊器能懷
康濟之才展經綸之術旣逢昌運宜罄讜言須務救時各
思舉職勿取容而避事勿尸祿以曠官或時經未叶於和
平必思獻替或命令未諧於允當必在箴規苟有敷陳並
當開納俟汝匪躬之節副予仄席之求凡在朝廷共禪寡

德咨爾卿士宜體朕懷

平必思示百寮御札

朕自祗膺大寶虔奉丕圖每念創業之艱難未嘗終食而
懈惰所冀照臨之內將臻康泰之風庶幾億兆之中漸息
瘡痍之痛雖疚心罔暇而逆耳無聞豈視聽之不開致箴
規之未貢應在朝文武臣寮等各懷異術早踐通班宜陳
經濟之謀用贊興隆之道勿失讜直之議無拘循避之規
咸罄乃誠同規不逮宜令在朝文武臣寮每人各進封事
一件仍須實封通進務裨闕政用副虛懷凡百寮寮宜體

朕意重於夫莫南服之奧國驗東疆之重此朕意重於

令百官上封事御札

百官曾有宣示令進封事據到者未及十人朕雖無德自行勅後數月至惜人也應有一件事食祿於朝卒無一言可不知貞觀政要說言而不用朕所甘心用而不言誰之

責也

幸洛都御札

朕自承天命肇啟帝圖期四海之混同法五載之巡狩矚惟全魏實曰奧區人物殷繁山河雄壯地雖昇於都邑民

未識於乘輿皆傾望幸之情宜展省方之義取今月五日
暫幸洛都沿路供頓並委所司以官物排比州縣官不得
科率人戶其隨駕內外官員并馬步兵士等不得擾人踐
踏苗稼中外遐邇宜體朕心

封錢元瓘吳越國王玉冊文

唯天福三年歲次戊戌十一月甲辰朔五日戊申皇帝若
曰王者握圖立極崇德報功或開國以建邦或苴茅而錫
壤乃樹藩屏式獎忠勳古先哲王率由斯道惟朕薄德敢
忽彝章況夫奠南服之奧區鎮東甌之重地懋績雖高於

列土殊榮未繼於肯堂得不申加等之恩降非常之命用
紀代天之業特頒鏤玉之文乃擇吉辰爰敷盛典咨爾興
邦保運崇德志道功臣天下兵馬副元帥鎮海鎮東等軍
節度浙江東西等道管內觀察處置兼兩浙鹽鐵制置發
運營田等使開府儀同三司檢校太師守中書令杭州越
州大都督府長史上柱國吳越王食邑一萬五千戶實封
一千五百戶錢元瓘嶽靈稟粹天象儲精蘊文武之兼材
受乾坤之間氣寵承吳越功邁桓文運妙畧以平凶用奇
兵而制變祇嗣基構表率英雄淮彝之屏氣銷聲海嶠之

波澄浪息而況興我昌運竭乃忠規懋勲庸而首列韓壇
奉玉帛而誠先禹貢語尊獎則獨標大節顧封崇則未稱
鴻名宜舉徽章俾奉先正矧其天文當南斗之分地志控
勾踐之都眷茲舊封允屬全德是用異車服於羣后盛簡
冊於列藩正二國之土疆錫九天之寶瑞表予嘉命績乃
舊邦大振家聲夾輔王室今遣使大中大夫尚書左丞上
柱國賜紫金魚袋王延使副中散大夫尚書司門郎中柱
國賜紫金魚袋張守素持節備禮冊爾爲吳越國王於戲
服袞衣而佩元玉位壓羣侯駕戎輅而握兵符名尊九伐

馭貴之重象賢之榮爾其祇荷天光勉清國步往綏厥位
永孚於休戒之慎之勿忝前列

改元大赦文

古者君臨大寶子育黎民爰當御歷之初宣布惟新之令
將冀昭蘇品物蕩滌瑕疵大推作解之恩俾樂咸亨之運
恭以明宗皇帝經綸草昧統御寰瀛垂衣而八表歸心負
扈而十年無事必謂盤維永固鼎社無遷立萬代之基圖
爲百王之軌範洎遺弓劔遂起干戈逆豎延災宗英失守
劫奪神器侮亂天常誅戮至親虐害無告顧予何咎忽有

異謀無名而大舉甲兵不道而廣勞生聚寰中板蕩天下
驚騷內外離心遐邇積怨嗷嗷士庶若無所依契丹皇帝
不忘先朝特存舊好親提銳旅遠殄羣凶未整鸛鵝盡殲
蛇豕而復念中原之無主憫四海之倒懸欲泰羣情特申
大義猥惟涼德俾纂寶圖成命不迴固讓莫得殷湯以東
征西怨乃踐帝圖夏禹以地平天成遂興王業矧予寡昧
有愧推崇雖勉副羣心恭臨大位將何以祗膺眷祐統和
人神以是馭朽興懷宵衣在念躋生民於富壽保社稷於
延洪頒歷紀年既有遵於典冊推恩行慶將普及於幽遐

宜改長興七年爲天福元年大赦天下十一月九日昧爽
已前應在京及諸州郡邑罪犯及曾受僞命職掌官吏并
見禁囚徒已結正未結正已發覺未發覺罪無輕重常赦
所不原者咸赦除之應曾相連賊黨軍人百姓有奔竄山
谷者一切不問任歸本貫如卻願在軍者亦仰所司申送
當令本軍收管易俗移風宜遵善教尊本敬始自有常規
明宗朝所行勅命法制仰所在遵行不得改易悉力爲時
罄財助國苟不推於恩信亦何示於賞酬自舉義已來應
借率人戶及經抄括商旅資財錢物委所司明置文籍候

平定之後當議給還京城將士降附軍戎自舉義已來悉聞忠蓋宜加賞賚以勸勤勞應在京諸軍將領兵士等候並破賊寨當議各加優賞有沒於王事者各此其子孫並與量才敘用文武官寮等久輸推戴之誠宜示獎勵之道應在京文武官寮及軍府將校并勸進官等兼前資官內自五月後來未曾分掌職任並各與遷轉官資自五月後來已曾受官者不在此限其軍府諸色職掌將吏等已及押衙職者并與加官未及押衙職者各與遞遷職次應超魏府行營及係侍衛諸軍將校等并已加恩外所有

六軍及諸道本城并替換在諸處將校未加恩者凡執干
戈皆爲社稷雖守役或分等次而傾心盡著勤勞且被渥
恩各升官秩用獎輸忠之效俾堅禦侮之誠其六軍及諸
道州府本城并替換在諸處將校未加恩者宜令并與依
資轉官仍令六統軍及諸道州府據前項軍都自副將已
上分析名銜申奏鹽麥之利軍府所須倘不便於戶人宜
別從於條制所期濟衆無患妨公在京鹽貨元是官場出
糴自今後並不禁斷一任人戶取便糴易仍下太原府更
不得開場糴貨其麴每斤與減價錢三十文恩推掩骼義

顯燭幽允諧遐邇之心冀叶陰陽之序應自舉義已來或有因事抵法之人及九月十四日後殺戮賊寇所在暴露骸骨未有骨肉收認無主者委逐處長吏埋瘞弓旌聘士巖穴徵賢式光振鷺之班將起維駒之詠應山林草澤賢良方正隱逸之士委逐處長吏切加採訪咸以名聞當議量才敘任昨以寇戎久在郊境頗傷禾稼賦租應近畿五十里內委逐處令長檢覆當與免今秋稅租差科於戲甘澤配天萬物以之膏潤震雷出地百卉繇是發生將欲道和氣於八方示深仁於三面永康聖歷普洽民心凡百庶

寮洎方伯連帥克奉明恩勉揚厥職共臻至化稱朕意焉
赦書日行五百里敢以赦前事言者以罪罪之布告中外
咸使聞知

御文明殿大赦文

蓋聞神無常祀惟德是歌民無常懷非賢不乂歷數有歸
者人祇共贊文明懷遠者龜筮叶從所以周開七百之基
夏作三王之首伏自莊宗失馭天下分離萬國懷賢三靈
改卜明宗皇帝潛符景運克紹寶圖一莅寰區八周星律
僞主從珂始因微績序在維城遇大國之多艱以列藩而

入統勦絕裔嗣屠害忠良臨大寶而罔以德聞御諸侯而
惟將威脅朕以明宗皇帝每宏厚遇益勵微誠無纖粟而
使人可疑無絲毫而事君不謹豈期深苞禍釁暗抱猜嫌
欲用奸謀擬相魚肉初以北門之事委朕一生忽將汶上
之田遷予十乘二三其德始終違心旣欲害於無辜孰肯
扶其不道而遇北朝皇帝英明鑒古威武冠今嫉彼不平
閔予多難遂致累殲凶寇繼納降兵每借巨功俾成大業
朕自興基構頗歷艱難冀兆億而保安敢興寐而輒怠今
則重光日月再造乾坤宜覃在宥之恩以布鼎新之命可

大赦天下今月二十九日昧爽已前應在京及諸州府凡有所禁囚徒已發覺未發覺已結正未結正罪無輕重常赦所不原者咸赦除之雷雨作解瑾瑜匿瑕宜加盪滌之恩用示包容之應中外諸色職掌官吏有受僞命者一切不問既除巨蠹亦愍俱焚難全者須正呂刑可恕者特開湯網僞庭賊臣張延朗劉延皓劉延朗等並姦邪害物貪猥弄權罪已滿盈理難容貸除此三人已行勅命外其有宰臣馬裔孫樞密使房暉宣徽使李專美河中節度韓昭裔等四人雖元事僞庭咸居重位每持忠慤不務詭隨僞

主不任才謀遂致傾覆朕昔在藩邸備所諳知今並釋放
一切不問應中外官寮之外有自舉義已來歸順者委中
書門下別加任使應僞庭貶降官未量移者與量移已量
移者與復爵受官亦與復資應徒流收管人並放還伏以
少帝地居嫡裔位纂洪圖王從珂始構異謀非理屠害一
家骨肉將正承祧之典式敦敬始之名宜令中書門下追
尊定諡擇日禮葬妃孔氏宜行追冊祔葬應有宿舊臣寮
並與量加敘用昨者舉義之地稱師之邦必蹂踐於川原
要矜蠲於輿賦其河東管內諸縣稅租今年秋及來年夏

稅各與減放一半警蹕經過之地望幸雖榮蕃漢雜處之
兵禁暴難備旣頒渥澤須示優矜昨大軍兵士自河東以
至京畿沿路擾踐之處宜委逐處長吏公當檢覆據頃畝
特與蠲放今年秋稅一半朕昨於霸府創置新軍救時昔
在於從權卹下今徇於所欲河東所有新招置義勝軍人
並放逐便賞罰二柄激勸萬方倘稽甄獎之恩何答勤劬
之效應扈駕及相次歸順軍都並與重加優賞但緣宮內
庫藏虛乏宜令三司疾速抽徵諸道稅物以充賞給其指
揮使等並與超轉官資五月後來已曾受恩命者亦與依

資轉官高懸朗日照臨必備於遐陬大扇仁風亭育罔遺
於纖芥應天下歸順節度使刺史下賓席郡職及將校等
委中書門下各與改轉官資覆車難襲弊政宜遷恤鄉邑
之瘡痍救民人之疾苦其北京管內鹽當戶合納逐年鹽
利昨者僞命指揮使每斗須令人戶折納白米一斗五升
極知百姓艱苦自後宜令人戶以元納食鹽石斗數目每
斗依時價計定錢數所取人戶便穩折納一人湯沐之奉
實在王畿兆民凋弊之風宜行仁恕其洛京管內逐年所
配人戶食鹽起從來年每斤特量減價錢十文應諸道州

府所徵百姓正稅斛斗錢帛等除除空言文帳外所在州
府並不得衷私增添紐配稅物應有懷才抱器隱遁山林
方切務於旁求宜遍行於搜訪委所在長吏備達朝旨具
以名聞致仕官或筋力未衰才能可任將表乞言之敬難
從歸老之心委中書門下商量奏聞當議昇擢義夫節婦
孝子順孫委逐道奏聞當加旌表應自起義已來或盡節
捐軀歿於王事宜加褒贈兼恤妻孥俾義激於忠貞庶恩
霑於幽顯鳴諫鼓以俟讜言列柱石以申冤滯將聞善以
自戒思與物以垂恩備著前規用光大業或直辭可貢或

有理可矜各務奏陳皆當鑒納明宗朝屬之內宿舊之中
或功名曾著於輿情或材氣可裨於公政宜委中書門下
量才敘錄關防凡有征税省司曾降條流慮多時而或有
隱藏因肆赦而再頒條貫應諸道商稅仰逐處將省司各
收稅條件文牒於本院前分明張懸不得收卷牒內該名
目分數者即得收稅如牒內元不該說著係稅物色即不
得收稅宜令所在長吏常加覺察如敢有違條流不將文
牒張懸將不合係稅物色收稅欺罔官法停滯商賈盡時
具名申訴奇伎淫巧往誥不容務實去華哲王所向應有

浮虛假僞之物不鬻於市肆委所在常加覺察犯者加重
刑責士流之內有懷才抱器碩學殊能者委中書門下搜
訪任使勿拘門地資歷於戲愛民如子王者之所以勃興
損已從人眇躬而安敢自忽況朕驟主百靈之祀創開萬
乘之基朽索在懷求衣益勵更賴庭中多士闡外諸侯咸
罄良籌共禪不逮初寧鯨浪適啟龍圖冬陽開溫照之光
春雨灑涵濡之澤惟新正令不宰元功中外臣寮體予深
意

幸汴州赦文

歷代省方蓋觀風而設教前王展義皆利國以便民雖今古以有殊在皇王而無異朕艱難創業宵旰臨朝每軫念於瘡痍敢自辭於癯瘠近以浚郊奧壤梁苑名區乃舟車通會之都實人物殷繁之地春秋租稅可贍給於兵師遠近蒸民免煩勞於饋運爰從清洛遂整鳴鑿六飛旣議於按巡四海漸期於開泰今則已臨汴水宜順薰風思覃渙汗之恩特布如綸之命普安區宇首念狴牢況當長養之時曲示矜寬之澤應天福二年四月五日昧爽已前諸道州府見禁囚徒大辟已下罪無輕重並從釋放凡關布澤

務在及民宜加軫憫之恩俾遂蘇舒之望天福元年已前
諸道州府應係殘欠租稅並特除放諸道係徵諸色人欠
負省司錢宜令自僞主清泰元年終已前所欠者據所通
納到物業外並與除放或水旱爲災蟲螟作沴儻無軫恤
何致阜豐朕昨行至鄭州滎陽縣界路旁見有蟲食及旱
損桑麥委所司差人簡覆量與蠲免租稅河陽管內酒戶
百姓應欠天福元年閏十一月二十五日已前不數年額
麴錢並放其諸處應經兵火者亦與指揮當罪即誅式明
常典旣往可憫宜示深仁僞主清泰中臣寮內有從誅戮

者並許收葬要荒之內鄉黨之中宜宏養老之規式表問
年之道天下百姓有年高八十已上者與免一子差徭仍
令逐處簡置上佐官過滎陽而因思紀信屈夷門而尚想
侯嬴著高義者猶足歎嘉蹈忠節者固宜旌賞事資激勸
恩在褒揚梁故滑州節度王彥章效命當時致身所事凜
千年之生氣流百代之令名宜令超贈太師子孫量才敘
錄亡命藏姦此自攬槍之際好生惡殺宜宏曠蕩之恩應
諸道州府管界內有自僞命抽點鄉兵之時多是結集劫
盜因此畏懼刑章藏隱山谷宜令逐處曉諭招攜各令復

業自今年四月五日已前爲非一切不問如兩月後不來
歸業者即令所在長吏嚴加捕逐復罪如初於戲撫俗安
民御宇式明於敏政行慶施惠爲君用顯於推誠況潛躍
之時開創之始外則五侯九伯協力禪助內則四輔三公
同心翼戴已寧華夏實賴忠良旣光帶礪之勲無忘盤盂
之誠凡百有位更竭乃誠共致隆平永輔寡昧布告遐邇
宜體朕懷

幸鄴都赦文

自昔聖皇明帝膺圖受命必觀風而設教或展義以省方

上則順彼天道下則從其人欲朕創開基業每遵舊章期四海之混同法五載之巡狩乃睠全魏肇啟新都頃屬經綸嘗茲潛躍宜從望幸俾慰來蘇遂整明鑿旋臨舊地雷雨作解式覃曠蕩之恩日月無私用廣照臨之道應三京新都諸道州府天福六年八月十五日昧爽已前諸色罪犯已結正未結正已發覺未發覺罪無輕重常赦所不原者咸赦除之其持仗行劫并殺人賊免罪移鄉仍配逐處軍都收管其犯枉法贓人雖免罪即不得再有任用或始因罪犯久處竄流特行洗滌之恩各遂歸還之望應配流

人并已前逢赦不在放還人等并放還徒罪年限未滿者
並放偶負瑕疵爰從黜降俾量移於近地宜漸復於舊資
應貶降官等未量移者與量移已量移者約資敘進用或
歲因災沴民用艱辛久係逋懸宜示蠲免應欠天福五年
終已前夏秋稅租并沿徵諸色及營田租課並與除放朕
頃當開創爰在并汾或傾歸順之心首謀翊戴或擁驍雄
之旅力效推崇洎汜水興妖鄴城待罪每令致討皆立奇
功漸臻開泰之期愈念艱危之際宜頒殊渥允答茂勲應
河東起義之初佐命效順收復鄴都汜水立功臣寮將校

等並與加恩其亡歿者更與追贈子孫已有官職者與遷改未有身名者與敘用經過郡縣迎奉乘輿旣供億以爲勞宜旌酬而示寵自東京至鄴都沿路供頓官員職掌等並與加恩六飛行幸萬騎扈從慮旁午於路歧微損傷於苗稼應沿路有傍道稍損卻田苗處其合納苗子及沿徵錢物等據畝數並與除放載念雀臺昔居侯服撫綏六郡臨蒞四年睠彼職員依然父老無恡推恩之典以敦尚齒之風鄴都并相澶貝博衛等州官員職掌以歲潛龍時在職者並與加恩管內耆老八十已上者並與版授上

佐官爲國之規利物爲本農器俾從於改革畊民必致於
便宜諸道鐵冶三司先條疏百姓農具破者須於官場中
賣鑄時卻於官場中買鐵今後并許百姓取便鑄造買賣
所在場院不得輒有禁止攪擾擢文武之才今之急務旌
孝義之行古有明文贊治道以克隆致人倫之式序山林
草澤內有文才武藝爲衆所推者委長吏切加搜訪具以
名聞當議量才敘用孝子順孫義夫節婦並與旌表門閭
天覆地載無所不容改過自新於斯爲美應亡命山澤負
罪潛藏者並放罪招攜各令歸業所在切加安撫如過百

日不出者復罪如初唐室忠臣鄴臺靈廟濟蒼生於一境
王皇統於中區宜命褒崇用彰激勸唐梁國公狄仁傑與
追贈官秩主掌曠敗錢物逋懸宜示矜容聊加蠲免應天
福三年終已前諸色場院官欠負官中錢物人等累經徵
理通勘實無錢物家業者並與除放其人免罪任從逐便
不得再任使無黨無偏徇至公之道去泰去甚戒求利之
心私下債負徵利已及一倍者並與除放如是主持者不
在此限邊陲管界蕃部經繇言念疲羸良深軫恤忻代蔚
并鎮州管界內有經蕃部踐踏卻苗稼者其合納苗子沿

徵錢物等據頃畝與除放其經燒爇舍室殺傷人命者據
戶下合徵苗稅並與除放於戲居域中之大爲天下之君
按巡旣展於盛儀渙汗宜覃於慶澤人情允洽帝道有光
更期忠蓋之臣永贊隆平之運布告遐邇知朕意焉

平范延光大赦文

天有四時首布和陽之命君臨萬國先宏曠蕩之恩所以
垂眚肆之文則周基遠大示寬仁之詔則漢業興隆朕猥
以眇躬獲膺大寶顧惟涼薄每懼顛隳旰食宵衣恐一夫
之失所臨深履薄憂庶政之未孚雖粗致小康而未臻大

化一昨灾纏沙鹿兵駐銅臺環甲執兵頗勞師旅飛芻輓
粟重困生靈賴天地垂休將相叶力克寧邦寓永靜烟塵
凱歌共樂於班還喜氣實騰於遠邇豈一人之感召蓋羣
后之扶持弓矢載橐大慶已流於中外雷雨解作普恩宜
被於寰區庶使齊人咸霑霑澤可大赦天下應十月二十
五日昧爽已前除犯十惡光火殺人僞行印信官典犯賊
合造毒藥屠牛鑄錢外其餘罪無輕重已結正未結正已
發覺未發覺咸赦除之侵官潤已爾其有誅督責暴征我
所不忍應係欠省司課利場院官等宜依近行宣命期限

磨勘徵督內有送納所欠錢物得足者其違限愆罪特放
如有沒納本人及保人家業盡抵外尚欠錢物更無抵當
者其所欠並與蠲放其逐人罪犯特從減等其去年降宣
命月日後來欠負者不在此限昨以水旱爲沴什一未均
冀便蒸黎因令檢覆未明公法或彰隱漏之愆爰念小民
宜示矜寬之典近令檢田有隱漏合當罪犯者並放所有
合罰令倍納租稅者特放並令卻依實頃畝輸納貨泉所
聚徵督必行況係省之逋懸宜應期之供辦但以兵戈之
後帳籍空存已行蠲放之恩尚憂未普再示優饒之命式

表推恩天福元年應經兵火處州府諸色場院因此失陷
錢物等先曾指揮蠲放一半者今並全放未曾經減放者
今與蠲放一半天災或降地分所招攜老幼以流離棄田
園而蕪沒深懷惻憫宜示招安蒲同晉絳滑濮魏府鎮定
等州人戶或經亢旱或屬兵戈逃移人戶等應移戶所欠
今年已前諸雜稅物並特除放宜令州縣曉示招攜如有
復業者仍放一年秋夏租稅二年諸雜差徭爰自攻圍每
多徭役或因兵死尚有戶存言念傷痍屢宜優恤應差赴
魏府城下人夫內有中傷身死者除已支贈外特放戶下

三年諸雜差徭勤官奉國旣彰盡瘁之誠賞善酬勞爰舉必行之命應魏府側近州或曾祇應供饋或曾部領人夫當職員寮及州縣官等宜令逐處速具名銜分析申奏當與加恩區宇之表咸在照臨疆場之間寧容隔限示王者之無外期國家之大同應淮南西川兩處邊界自今後不得阻滯商旅明堂欲構必自羣才大道曲全俱無棄物將期多士詎可遺賢累朝廢棄官員與量才敘用頃者借率猶有逋懸方務優饒豈宜徵督先率借洛京舍錢其所欠並放七萃師徒五營吏士偶因罪負遂至逋逃念曾效於

忠勤宜顯行於招誘自用軍已來應有諸軍及諸色負罪
逃背諸處人等限一百日內許所在陳首並不問罪卻與
放管如限內不出復罪如舊諸州府應有見禁此色人家
口骨肉並從釋放恩隆加等固有明文道在恤孤宜宏異
渥自去年出師來諸軍將校有沒於王事者子孫並與量
才敘錄臯陶五刑旣從流放商王一德用解網羅想其憊
悴之容爰示哀矜之道應貶降官與量移已量移者與復
資流配人等並放還仁及枯骨澤渥重泉睠哲后之芳蹤
乃有國之令典魏府管內用軍已來墳墓所毀無主者委

逐處官吏指揮隨事修整祭奠仍費官中支給賦歛未省
杼軸猶空言念疲羸聊得蠲貸諸道州府營田戶部院務
省莊等天福元年秋夏租課錢帛斛斗諸雜物色等除已
納外應有逋欠並與蠲放於戲萬靈蠢蠢生成咸賴於上
元六合茫茫舒慘悉由於元首朕每興念慮莫釋焦勞遂
覃在宥之恩將合好生之德朝野士庶中外臣寮體予蕩
蕩之懷贊我巍巍之治無怠於協謀勩力共期於偃革修
文益勵乃誠永禪寡德布告遐邇咸使知聞

遺後蜀後主告即位書

大晉皇帝奉書大蜀皇帝伏自中原多故大憝繼興朱氏
不道而皇天不親沙陀背義而蒼生失望不期景運猥屬
眇躬方鼎足以分疆宜鄰好之講睦況有姻親之舊敢交
玉帛之歡機務方殷保攝是望

答淮東鎮書

昨者灾生安陸釁接漢陽當三伏之爰蒸動兩朝之師旅
豈期邊帥不稟上謀洎復城池備知本末尋已捨諸俘執
還彼鄉閭不惟念效命之人兼亦敦善鄰之道今承來旨
將正朝章希循宥罪之文用廣崇仁之美其杜光鄴等再

令歸復